

## ESTE MASKOKE EM VHAKV EMPVTAKV.

---

E teliketv e sohfacose hahye, fvtcetv e enakoece kake, pometot, momet epohonvpseto vtekis, emetektvnetv se a fvce-cickv e en heckoeceyvreto omecicen, Pome, Este Maskoke Etlwv Entvsekiyv toyeyat, heyv vwiheke Vhakov Empvtakv ocat ha yeyet os.

### ESLIKE I.

SETENTVCKE I. Tvlwv Vlke Nvkvftatet heyv Etlwv ofv vhakov haye tayat yekcetvocet mvres, mvt Coko hokkolicet omvres: Mekkvike Encokon Tvstvnk' vlke Encokon eshokkolet omvres.

SET. 2. Mekkvike En Coko Vtehkvike Etlwv hvnkat vrahkv a osset Mekko hvnke vlket hoeret omvres, Enwiketv Svrahvkv Estvmv Etlwv vrahkv hoeret on omat mv Etlwvt ensolken sete montalet ohrolope osten ahoericet omvres.

SET. 3. Etlwv hvnkat vrahkv Tvstvnke hvnke vlken ahoericet omvres; momen ohhvtlakat, Etlwv hvmece tvsekiyv este mvhvnkvtkv cokpe hokkolof Tvstvnke hvnkvnton ahoericet vyecicet omvres. Enwiketv svrahvkv estvmv Etlwv vrahkv hoeret on omat mv Etlwvt ensolken setemon talet ohrolope osten aspvklecet omvres.

SET. 4. Este Enwiketv Coko hokkolicet vtehkat omvkvtenhotosk' vrahkv vhakov estomen enhahoyen omat mv vcvkvyen, Cvtoknap Hotte a ossen e sen fehoket omvres.

SET. 5. Coko vrahvkv Enwiketv em vhnkvtkv en nvrkvpv hoyvnet etenvkaf ten omat, nak vfvstetv vyecicet omvres: momis ensolket en nvrkpv oricekon omat vfekhonnet vpoket, vplwvn a vvecicet omvres.

u  
7 106  
24

SET. 6. Coko vrahvkv Enwiketv vtehtekat mo mvr tayaket omat etoh hvkete cvkept omvres, momen Enwiketvt enhoretv fvtceko haket on omat oponvyecet omvres: momet Coko hokkolat ensolke tekvpvke totcenat, tekvpvke hokkolatet vnrapet on omat ossi hocet omvres. Coko hokkolat ete mv kvsamet omeko vtekat, netta hokkole sen hoyvne Coko hvmkvtekis vwaheko tayet omvres.

SET. 7. Mekkvke Coko vtehtakat Ohliketv Em ohlikv emetat hayvkepet omvres, momen Tvstvnkvke Coko vtehtatew Ohliketv Em ohlikv emetat hayvkepet omvres.

SET. 8. Coko vrahvkv, Encokv Hayv heckoecvkepet omvres: enhofone estomomosen hoerv ranat Coko vrahvkv em vkerricvkepet omen, enfecketv estomen vhakvn e senhahoyen omat mv cvkkvyyen enfehoket omvres.

SET. 9. Este Enwiketv heyv Coko hokkolat vtehkvrnanat, Este Maskoke entvsekiyv ore heret omet, em vcolkv ohrolope pale hokkolen hokkolohkakak oricet omvres.

SET. 10. Tvlwv Vlke Nvkaftv vhakv haye e svliceat; "Este Makoke Tvlwv Vlke Nvkaftv vhakv hayat," make vlket omvres.

## ESLIKE II.

SETEKTVCKE 1. Tvlwv vlke Em Mekkot hvmket hoeret omvres, mvt Este Maskoke Etlwv Emmekkon kihocet omvres; Este Maskoke entvsekiyv este honvtake em vcolkv ohrolope pale cenvpohkakak orice vtekat, Etemvrkvn en solken setemonlalet ohrolope ost omvlkvn hayet omvres. Momen Mekko Vpoktv hvmket hoeret omvres, mvw Mekko mah he estomecet vhocrihocet on omat Mv cvkvyyen momet enhofonew mvtvpome svheckvn ahoerihocet omvres, momen Mekko mahhet elewites, monkat e ossicepe wites, monkat ossihocewites, mvt momet on omat Mekko vpoktvt, Tvlwv Vlke Emmekko en nak vfvstctv omvlkv sohfvcken vfastet omvres.

SET. 2. Este estomet tvsekiyv ore heret omekot, momet

em vcolkvv ohrolope pale totcenat oricet omekat Este Maskoke Tvlwv Vlke Emmekko momet Mekko Vpoktvw hake ko tayet omvres.

SET. 3. Tvlwv Vlke Emmekko yekcetv ocet omet, este vhakvt ohfvtceto estomis, em mer ret komat, monkat nettan em ohhvtvlayet komat momecet omvres, momet Tvlwv vlke em vhakv heren vfastet omhoyat vketecet omvres; Ohrolop' omvkvv Este Maskoke Emekvuv ofv naket estomaket vycicat Tvlwv vlke Nvkaftan enkerkoecet omvres; momet E Tvlwv naket senhere haye tayat esemvcahnet omvres:

SET. 4. Coko hokkolicat vhakv estomen hayeto vtekat, Tvlwv vlke Em mekkon en wakkct omen, ohhvkvsvmety monkat vn rvpoeckv tepakat em etektvnce vlket omvres; Ohhvkvsasamet on omat vhakv haket omvres; momis vnrapet on omat, netta 5 aemofvn esvnrpvkv eskerkv vpaken Coko estomen vlicevte matan ohfolecicet omvres momis ohvkvsvmeko estomis afolecicekon netta cahkepat hoyvnepen omat vhakv hakepet omvres; momen vnrvpvkv hahyet afoleciceto estomis Coko vtehkvlke Coko hokkolicatet ensolke etekvpvke totcenat, tekvpvke hokkolat oret vhakv em vpyecen omat vhakv hakepet omvres.

SET. 5. Coko hokkolat vhakv estomen eshoyvnecicet omen, Tvlwv Vlke Emmekko ehomvvn en wakkct oman, netta cahkepat orekon Tvlwv Vlke Nvkaftvtet vwahepet omen em etek tvnkekon omat, svhokkolv Nvkaftof netta totcenet em etektvncen mv ofvn afole cicet omvres:

SEC. 6. Tvlwv Vlke Emmekko em etektvncen Encokv Hayv melletv hayepet omvres, momen enfeketv vhakv estomen hahoyen omat mv vcvkvyen Tvlwv Vlke Encvtoknop Hotte a ossen enfeloket omvres.

### ESLIKE III.

SETENTVCKE I. Heyv Etlwv ofv vhakv ohyvteketv yekcetv hvlwe mahat ocat, Fvtceckv Hvlwe ofvt omvres, Este

Maskoke entvsekiyvt omet, em vcolkvt ohrolope pale hokkolen cahkepohkakan ericet este monvr herake cahkepet mv enwiketv haket omvres; Tvlwv Vlke Nvkaftatet wiketv hahicet omen ohrolope osten svpaklet omveres, momen vhakv vcvckvyyen enfehoket omvres.

SET. 2. Mv Fvtcecvlke cahkepvvt ohrolope omvlkvn Ot'voskv-rvkkko mvnte enhvteceskv ohrolop' omvlkvn Okmolken Etenvkaftet omvres, nakoponvyeckv en rahkv cvtoknawv cokpe hvmkan (\$100.00) hoyvneciceto vtekat mvn vfastet omvres; Fvtcecvlke totcenat yekcetv hayet omvres.

#### ESLIKE IV.

SETENTVCKE 1. Este Maskoke Emetvlwv ofv Ekvwarke epaket (6) tekvpakvket omvres momen Ekvwarke vrahkv, Fvtcecvt hvmken, vhakv Mvnicvt hvmken, Corvkkohkakt Folle hvmke vlket vtehteket omvres.

SET. 2. Fvtcecvlke Tvlwv Vlke Nvkaftat ohrolope hokkoh'lomvlkvn asehojet omvres; naorketv momet etoponvyecvlke nak ponvyeckv cnrahkv cvtvknawv cokpe hvmkat hoyvneko oceto vtekat omvlkvn vfastet omvres; naorkv oponvyeckv Coko vtehkvlike estvmi vlkis a enkerrvkeko este pale hokkolen ostoh kaken ohhoehken, palen hokkolohkaken enhopohoyet omen, etoponvyecvlke en coko vtehkvliket ostvpaken ohhoehken mvt Colvlke kaket omvres, Cokv Hayv Fvtcecvt pvlepet omvres, momen vhakv vcvckvyyen enfehoket omvres. Fvtcecvlke vhakv vcvckvyyen enfehoket omvres.

SET. 3. Colvlke Fvtcecv oh hoehkat se okepkv heren ocekot omatet avtekon omat cvtoknawv cahkepen (\$5.00) fekepochocet omveres, momis a awat vtekat netta vrahkv cvtoknawv hvmket omvres vtotke em ofvtat.

SET, 4. Vhakv Mvnicvlke tat Tvlwv Vlke Emmekkot este ohmelletv hayen, Tvlwv Vlke Nvkaftat em ohhvksamet omvres. Emvtotketvtat em Ekvntvckv ofvn vhakvn kacaseto vtekat eshvlvtkv hayet mvn oponvyecet vfastet omvres;

Ohfvteckv hayat vtekat cvtoknawv, pale hokkolen cahkep-ohkaken (\$25.00) enfehoket omvres.

SET. 5. Corvkkoh kakv Folle hvmkat, Kvpetyvnet hvmken, Corvkkohkakvt ostet omvres; Kvntvckvt Etemvrkvn hayet ohrolope hokkolen asvpvklecet omen, Fvtcecvt enfyaten sehoket omvres. Enfekety vhakvt emetetakoecet omvres.

### ESLIKE V.

SETENTVCKE I. Tvlwv Vlke Encvtoknap Vfastvt hvmket hoeret omvres, Tvlwv Vlke Coko hokkolice Nvkaftatet ohrolope ost' omvlkvn ahoericet omvres. Emvtotketv tat, Tvlwv Vlke en cvtoknawv vtekat enke ofvn hayet omet, vhakv vcvkvyen afeket omvres. Tvlwv Vlke encvtoknawv estomet vyecicat ohrolope omvlkv Tvlwv Vlke Nvkaftan enkerkoecet omvres. Fvtcv here em vtotketv vtotkvre svrahkvat a ensehokvlke herake ocet cokv sehvlvkv cvtoknawv cokpe rvkko cahkepen ehvlfepoecet hayet omvres, Vhakv vcvkvyen enfehoket omvres.

SET. 2. Tvlwv Vlke, cvtoknap esfihoeckv esossicat enlvpvtke cvtok nap hotte cvtoknawv ossihocekot omvres; momen cvtvknap esfihoeckv vhakv haketo vtekat Tvlwv Vlke Emmekkot cvtoknap escvkv etetakoecen mvn Cvtoknap Vfastv ohfeket omvres.

### ESLIKE VI.

SETENTVCKE I. Tvlwv Vlke Enyvtekv, ohrolope ost' onvlkvn Tvlwv Vlke Nvkaftatet a hoericet omvres, enfekety vhakv vcvkvyet omvres.

### ESLIKE VII.

SETENTVCKE I. Este enwikety heyv Etlwv emelecv Sehokat vtekat en nak vfvstetvn celayekot ohhoyvnece vtekat oponvyecet Tvlwv Vlket ossicet omvres.

SET. 2. Este enwikety oponvyeckv vteakat Tvstvnkvlike en Coko ofvn vliceet omvres.

## ESLIKE VIII.

SETEKTVCKE 1. Nake etenfvtcep hoyvte esvho pvnetv vhakv hahoyekotayet omvres.

SET. 2 Nake hoyvnepe vhakv hlvte taye vhakv hahoyeko tayet omvres.

## ESLIKE IX

SETENTVCKE 1. Nak oponvyeckv akvwapke vtekat vhakv estome emelecvn mv nake momet omvten omat mv vha-hakvn Senfvtcehocet omvres.

SET. 2. Este omvlkvt vhakv ehomv e vnicepe tayat en etektvnoset omvres.

## ESLIKE X.

SETENTVCKE 1. Etenfvtcetv hahoyeto vtekat Este wicketv Tvlwv Vlke Emmekko enhopohye Tvlwv Vlke Nvkvte semohhvkvsyme este sehoket haye vlket omvres, momen mv Etenfvtcetv Tvlwv Vlke Nvkvtet ohhvkvsame tvken, yekcetv enhecket omvres.

EET. 2. Etenfvtcetvt vhakv hlvwe mahat omvres.

SAME COKOTE,  
OKTVHV SAS' HACO,  
MEKKO HVTKE,  
CALO HACO.

WASENTVN KLESE,  
Cokv Hayv.